

諸方法

不觀夫華工乎。華工之入美澳也。運貨之昂。身稅之苛。抵制壓迫之慘。無人理。世人所共認也。然猶不惜生命費用。冒險力進。苟吾邊地獎勵之有術。壓制之無人。目前之利雖薄。而可以爲一勞永逸之計。似猶非窒礙而不可行者。況遷民實邊之策。既實行。則可以固邊圉。可以繁生殖。可以衛地寶。不行則其利害適相反。爲他族侵佔。爲他族孳息。爲他族利源。奈之何。勿圖。

會議政務處奏議覆御史趙炳麟奏司法人員官階終身升轉分別准駁摺

本年十月初三日准軍機處鈔交御史趙炳麟奏司法人員官階終身按次升轉一片奉旨。會議政務處議奏。欽此。查原片內稱。司法人員皆定爲終身官。令其久於職掌。事無顧慮偏袒之弊。以冀伸公理而雪民怨等語。意在收司法獨立之效。兼以杜夤緣捷徑之門。用意至爲深遠。且於東西各國通例亦甚相符。惟是各國任官無論下級高等。皆由學堂畢業出身。而又加以實驗。但使人稱其職。終身於此。遞遷祿糈必從優厚。甚至去官之後。仍予俸金。後嗣子孫尙勞補助。固不獨司法一部爲然。而於法官實爲優待。蓋欲使其專心審判。絕無他顧之憂。法至美。意至善也。中國既言立憲。則將來各署堂司自應統由各該衙門。

內務

會議政務處奏議覆御史趙炳麟奏司法人員官階終身升轉分別准

一百五十一

戊申

內務

會議政務處奏請覆直隸布政使增韞奏推廣旗丁生計藉實邊陲摺

一百五十三

三月

按級升轉以資熟手第法部現在雖於京師奏設高等地方各級審判廳區以冀逐漸推廣而法學人員多未卒業後來新進又苦於地方風俗未能全行了然勢不能不兼用昔日資深諳練之人以維持於其際是出身本來各異則出路自難強同況各署俸薪未能一律若使概從優厚則庫帑有所不支倘竟靳其調遷則來者又將觀望恐欲重法律專門之學而轉致英才裹足之憂是以臣等公同商酌該御史所稱司法人員定爲終身官階一節一時尙難辦到應俟將來分科學堂畢業各項專門學生較多再行照此任用至所謂各司員希冀多設額缺以爲京察截取外轉道府地步等情查現在各署新設之缺過多往往以雙月候選人員率請補授要缺一經捐俸卽予以道府之階於鼓勵則有餘於歷練則不足不特外省員缺只有此數紛紛改外斷難容納且恐各司員補缺之後卽視此官以爲借徑一切民事刑事概不留心似不可不預防其後擬請飭下法部大理院堂官將現在該衙門額設員缺若干將來如何升轉詳細開單咨由吏部會同臣等覆覈參酌本年九月吏部奏定限制警官保送章程畫開內升外轉之途使與各署司員無所偏倚庶足以昭公允而資鼓勵謹奏奉旨依議欽此

會議政務處奏議覆直隸布政使增韞奏推廣旗丁生計藉實邊陲摺